

NOVE

ISKRE

Online izdanje


49

ŠKOLSKA 2020/2021.

List učenika Elektrotehničke škole za energetiku



Snovi stvaraju budućnost





Dragi Iskraši, predstavljamo vam 49. broj našeg lista.

Današnja pandemija virusa nije prva u historiji, ali će ostati upamćena kao pandemija koja je promijenila način života i omogućila nam da shvatimo koliko su važni prijatelji i druženja, koliko tehnologija i virtualni svijet ne mogu zamijeniti stvarnost. Moramo prihvatiti „novo normalno“ i u skladu s tim se ponašati. Niko ne zna koliko će ova pandemija trajati i kad će nam se život vratiti na ono „staro normalno“. Donedavno nezamislivo, ali maske i fizička distanca postaju uobičajena pojava. Promijenio se način na koji radimo i živimo. Zato je novi i način prezentacije našeg školskog lista. Svima vam poručujemo: BUDITE ODGOVORNI, ali zapamtite: Snovi stvaraju budućnost.



Svim učenicima i uposlenicima Elektrotehničke škole za energetiku želimo sretan Dan škole, 11. februar.

U izradi ovog broja učestvovali su članovi
Novinarske sekcije i profesorice Dženita Šljivo,
Sabina Borovac i Anela Jarkoč.
Za tehničko uređenje zaslužni su
Muhammed Šehić i Berina Čerimagić.



POHVALA NAJBOLJIMA

Nastavničko vijeće naše škole pohvaljuje učenike koji su postigli odličan uspjeh uz primjerno vladanje na kraju prvog polugodišta šk. 2020/2021. godine.



Ajdin Malagić I-1
Hana Mustafić I-3
Vanja Đerić I-3
Haris Podžić I-4
Mensur Hasanbegović II-1
Bojan Dujmović II-3
Aldin Kasapović II-3
Emina Kustura II-3
Rijad Kanlić II-6
Muhamed Bećirović III-1
Armin Dizdarević III-1
Selman Ćoralić III-1
Ermin Halilović III-1
Berina Ćerimagić III-2
Adnan Durić III-2
Adin Peljto III-2
Selma Beglerović III-3
Tarik Bojčić III-3
Tarik Čengić III-3
Ivana Ivković III-3
Anel Merdić III-3
Danijel Planinčić III-3
Nezira Salihagić III-3


Faris Žunić III-3
Adin Čedić III-4
Amina Delić III-4
Berin Hodžić III-4
Amina Huruz III-4
Amir Kaljača III-4
Sara Lulić III-4
Adel Karahasanović III-5
Faris Klempić III-6
Ena Dolić IV-1
Melisa Hamzić IV-1
Husein Hodžić IV-1
Rijad Ramadanović IV-1
Adel Delić IV-2
Adin Deljković IV-2
Bakir Emšo IV-2
Irnis Jahić IV-2
Armin Sućeska IV-2
Belma Landžo IV-3
Erna Bunar IV-3
Amar Kapetanović IV-4
Haris Bašić IV-4
Edwin Graca IV-4
Malik Trnka IV-4




Redakcija Novih iskri upućuje iskrene čestitke sa željom da i dalje nižu samo **uspjehe**

Našim dragim penzionerima

Početak 2021 godine obilježio je sretni trenutak za pet naših uposlenika koji su dočekali svoju mirovinu. Dva inženjera, dvije higijeničarke i jedan dnevni čuvar ostavili su nam mnogo zajedničkih trenutaka (škola, izleti, druženja...) kojih se rado sjećamo. Pri ulasku u školu sa osmijehom i šalom dočekivao nas je naš Sudo, upućujući nam komplimente kako bi naš dan bio što ljepši. Ipak, sretniji bi bio kad bi nas ispratio poslije našeg radnog dana i imao više vremena da se posveti svome cvijeću. Dva naša elektro inženjera, prof. Faruk Avdić i prof. Sead Halilagić ostat će u sjećanju ne samo nas, njihovih radnih kolega, već i vojske učenika kojima su prenosili svoje znanje želeći da njihovi đaci budu bolji od njih. Približili su struku onima koji su ih pratili i učinili da baš iz njihovih klupa mnogi odu da budu inženjeri kao i oni. Bili su uzor drugima i po znanju i po profesiji. A da bi svi bili zadovoljni i đaci i uposlenici, naše dvije vrijedne higijeničarke, teta Naza i teta Rasema, dolazile su prije i odlazile poslije svih nas. Blistalo je sve poslije njihovog boravka u našim učionicima i hodnicima. Pratile su, tiho i neprimjetno, naše korake i s osmijehom na licu radile svoj posao. Sretni smo što ste bili dio našeg kolektiva i što ste dočekali svoje mirne dane, ali i malo smo tužni jer vas više ne srećemo svaki dan. Da vam mirovina/penzija bude dobra i da je u zdravlju i sreći primete bar koliko ste i platu primali, jer bitnije je da dugo traje, a ne koliko novca iznosi. Drago nam je da sad imate penzionerski popust u većini trgovina da ne morate gledati na sat i stajati na jednoj nozi u prepunom tramvaju kako ne biste zakasnili na posao i da napokon možete provoditi više vremena sa onima koje volite i koji vas vole. Ovo je vaše vrijeme opuštanja i uživanja, a nama što radimo ostavite opterećenja i nerviranja.



Suad Saračević, počeo raditi u našoj školi 1.2.2003. a otišao u penziju 20.3.2020.



Sead Halilagić, došao u školu 1.9.2001. godine, a otišao u penziju 19.1.2021. godine



Faruk Avdić došao u školu 1.9.1999.godine, a otišao u penziju 31.12.2020.



Naza Kadrić počela raditi 22.9.1980.godine, a otišla u penziju 21.9.2020, četrdeset godina provela u našoj školi.



Rasema Omerbegović počela raditi u školi 4.1.1988.godine, a otišla u penziju 8.8.2020.

Uživajte u svakom novom danu i nemojte nas zaboraviti jer mi vas nećemo.

Aktivnosti



Akcija „Očistimo otpad oko naše škole“

Dana 2. 10. 2020. godine Eco Active Natura u saradnji sa Vijećem učenika sprovela je akciju „Očistimo otpad oko naše škole“ sa učenicima iz odjeljenja IV 1, IV 2 i IV 4.



Stipendisti naše škole

U oktobru su potpisani ugovori za dodjelu stipendija učenicima prvog razreda koji se školuju za deficitarna zanimanja na području Kantona Sarajevo, a ispunjavaju uslove iz Javnog poziva. Ove školske godine stipendiju su dobili učenici naše škole koji se obrazuju za zanimanje elektroenergetičar i elektromehaničar: Benjamin Kuč, Rijad Hodžić, Mirza Mulić, Enis Vatrić, Ammar Muhić, Armin Lepir, Eldin Ratković, Muhamed Ahmetović, Harun Tahirović i Benjamin Hatić.

Klokan izazov

U matematičkom izazovu Klokan 22.10.2020. godine učestvovala su 32 učenika naše škole. Učenici Melisa Hamzić i Hamza Delić osvojili su treće mjesto u svojoj kategoriji, a učenik Edwin Graca treće mjesto u istoj kategoriji. Koordinatorica ovog projekta za našu školu je Sanja Obarčanin. Čestitamo profesorici i učenicima.



Dabar izazov

Ove školske godine su učenici naše škole, prvi put, učestvovali i u informatičkom izazovu Dabar. Izazov je bio u novembru i održan je online. Učenici Muhammed Šehić i Tarik Ličina su sudjelovali u ovom projektu. Koordinatorica projekta za našu školu je Selma Ramović-Kalajdzija.



Aktivnosti

Filmska sekcija i dalje niže samo uspjehe, XVII festival filma djece i omladine Zenica 2020

Filmska sekcija, uz mentorstvo profesorice Jadranke Hrnjadović, nije prekidala svoju aktivnost, bez obzira na pandemiju.

Članovi sekcije: Muhammed Šehić III1, Berina Ćerimagić III2, Ilda Ramić III2, Benjamin Mrkonja III3, Belma Landžo IV3, Ena Dolić IV1, Amila Huseinović IV1, Adis Čavčić IV1, Belma Landžo IV3, Ismar Merđić IV2, Armin Sućeska IV2, Adel Delić IV2, Benjamin Karić IV2, Din Pehlivanović IV2, Amel Muratspahić IV2 i Erin Hurić IV2 su marljivo radili i učestvovali na XXII festivalu filma djece i omladine Zenica 2020 koji je realizovan online zbog trenutne epidemiološke situacije. Tradicionalno na festivalu je bilo pet kategorija: eksperimentalni, animirani, igrani, dokumentarni i spot film. Dva filma naše Filmske sekcije su dobili nagrade: drugo mjesto za film „Za naše profesore“ i treće mjesto za film „Virus, virus, e pa šta je!“. Profesorici i svim članovima sekcije čestitamo.



PISA 2018

Dana 12. 11. 2020. godine organizovano online učešće učenika naše škole na projektu koji realizuju UNICEF BiH i Genesis Project, uz donatorsku podršku Ambasade Kraljevine Norveške u Bosni i Hercegovini. Radilo se o Genesis Project, tj. obrazovnoj dijaloškoj platformi: „PISA 2018 i novi izazovi s kojima se obrazovanje susreće danas“ za mlade iz Sarajeva. Tema platforme bila je obrazovanje danas, izazovi s kojim se obrazovanje susreće te predstavljanje rezultata međunarodnog testiranja PISA. Na online projektu učestvovali su: Almin Nefer III 1, Muhamed Šehić II 1 i Amar Tokmo I 3.



Dana 24. 12. 2020. godine psihologica Ines Savić uključila učenike naše škole (Berina Ćerimagić III 2 i Almin Nefer III 1) u rad Društva mladih Dizdar. Društvo ima za cilj promovisanje mladih, njegovanje različitosti kultura u multietničkom smislu, promociju kulturne baštine BiH, pružanje prilike mladima da aktivno djeluju i sudjeluju u društvenim aktivnostima, saradnju sa kulturnim i drugim institucijama BiH i drugih zemalja, edukaciju mladih kroz razna naučna i kulturna dešavanja, osposobljavanje mladih za društveno-koristan rad u saradnji sa stručnjacima i sl.

Snovi stvaraju budućnost

Svako od nas je bar na trenutak zastao i sanjao o tome kakav bi želio da mu je život. Mnogi od nas su imali prevelike želje, postati doktor, pilot, elektrotehničari ili Bog zna šta, voziti najbolji aut mobil i tako dalje. Vremenom, neki od tih snova nestanu, neki i dalje žive, ali postoje neke stvari koje ja sanjam više od samo posla kojim bih se bavila, više od automobila koje bi vozila, više od svega.

Sanjam o tome da sam sretna! Samo na trenutak zastanite i razmislite šta bih sve mogao jedan sretan čovjek ostvariti. Sanjar kojem je san biti sretna osoba i sve što radi želi raditi sa ljubavlju. E tada najviše možemo postići, kada sve radimo sa ljubavlju. U tom trenutku možemo da sanjamo o "svijetu", o svim željama koje želimo ostvariti, o svakom snu koji smo pretvorili u cilj koji želimo postići. Ne bojim se svojih snova, niti prihvatam stvari onakve kakve jesu, želim promjene, želim više. Za neke stvari je potrebno samo malo više hrabrosti. Zašto ležati u krevetu i posmatrati kako snove ne ostvaruješ kad možeš ustati i ostvarivati ih sve. Najljepše je sanjati u krevetu a najteže odlučiti se uraditi nešto. Snovi nisu ono što sanjaš, nego o čem budan razmišljaš, zbog čeg ni ne spavaš. Također kad kreneš prema ostvarenju najbitnije je nikada ne odustati. I ne propustiti ono što ti život nudi. Ne dopustiti da ti život prođe u 'ničem'. Štoviše želja za ostvarenjem sna ti čini život zanimljivijim, planetu boljim mjestom. Jer prestanak ostvarenja sna te "ubije" a da to ni ne znaš. Zamisli samo da si svu tu energiju koju ulažeš u strah da nećeš uspjeti, uložio u san i u to da ćeš uspjeti, granica bi ti bila samo nebo. Ništa nije nemoguće samo ukoliko vjeruješ u sebe i ako sanjaš budan.

Za kraj Vam ostavljam samo jedan citat kao moju inspiraciju : "Budućnost pripada onima koji vjeruju u svoje snove." Eleanor Roosevelt

Ena Dolić IV-1



Svaki čovjek ima svoje snove. Neki jure ka njima, žele svim silama da ih ostvare, da ih dožive u realnom životu. Mnogi su kao djeca maštali o nečemu što su zapravo danas, što danas imaju tu za sebe, uz sebe... Snovi stvaraju budućnost. Upravo tako. Dok sanjaš o boljem sutra, bolje sutra će doći, dočekati će te, vjerovati će u tebe kao što si ti vjerovao u njega. U ovo vrijeme kada ljudi najmanje vjeruju u dobro, u bolja vremena, u bolju budućnost, ta ista budućnost nas napušta. Korak po korak. Sve dok budemo mislili negativno, negativno će nam se, nažalost i dešavati. Kada krenemo da mislimo pozitivno, sve pozitivne stvari će biti uz nas, neće nas napustiti. Privlačiti ćemo se kao magneti. Dobro kažu: „Kako zračiš, tako privlačiš...“ Ako ne vjerujete u ovu rečenicu, pokušajte i sve će Vam biti jasno. Mnogi dok su ostvarivali svoje dječije sne, o kojima su maštali kao djeca i zamišljali sebe u toj kancelariji, u toj uniformi, u tim kolima, ponekad bi im se desilo da samo požele odustati. Da izgube nadu u sve. Ali, nastavili su hrabro, uzdignute glave, sigurnim koracima ka uspješnoj budućnosti, znajući da će im se upornost kad- tad isplatiti. Što se zapravo i ispostavilo tako. Najlakše je odustati, a najteže prihvatiti činjenicu da nisi uspio. Zato, ne odustaj! Neki smatraju da je snove teško ostvariti, možda i jeste, ali ako mi imamo dovoljno želje, dovoljno upornosti i samopouzdanje da ih ostvarimo, ko nam ih može srušiti, ko nam može stati na put ka uspjehu? Niko. Hrabro koračaj za svoju budućnost, za svoj život koji može biti kao iz bajke, naravno, ako se potrudiš za to. Ništa samo ne dolazi. Pusti svoje dječije snove koje i dan danas imaš da te vode do ostvarivanja istih. Pozitivan pogled na svijet je nešto što dobro dođe u ovom udom vremenu, u svemu što se dešava, kada ljudi gube nadu u sve.. Ti ne budi jedan od njih. Hrabro koračajte, sigurnim glasom i sigurnim hodom. Vjerujte u bolje sutra, jer ono zaista postoji, Mi budimo to bolje. Zapamtite da se svaka upornost isplati!

Snovi Vas čekaju, zato nemojte odustajati i kada to poželite, nemojte gubiti nadu, jer Vam je ona potrebna. Glavu gore i recite: „Moj snovi, stvaraju moju budućnost.“

Imman Kukuljac, II-2



Snovi stvaraju budućnost

Naš svaki početak je uvijek najteži... često se zapitamo odakle početi, raditi i graditi, popločati svoje puteve znanjem i iskustvom; ali, uvijek se nameće i ono glavno pitanje: "Dokle ćemo doći bez ikakvih saznanja o budućnosti, da li ćemo ugledati to svjetlo na kraju tunela, i da li ćemo uspjeti ostvariti svoje ciljeve" Naši prvi koraci, pokreti, prve riječi i djela čine naš početni korak koji se nastavlja na stepenik više - osnovnu školu. Kroz igru i učenje upoznajemo nove prijatelje, sasvim neiskvarenu dječicu, sa samo jednim pitanjem - jednom razbibrigom: "Da li će se i danas moći zabaviti u igri sa svojim drugarima?"; Vremenom, svi skupa izrastamo u zrelije, odlučnije, sebi svojstvene individue koje se spremaju za novi stepenik, koji je prepun izazova, a to je srednja škola. Za nas je to novi izazov, novi početak, nova lica, i potpuno drugačiji život od onog prijašnjeg. U svemu tome, uvijek su najbitniji naši snovi i nade, na koje se svakodnevno trebamo i moramo podsjećati da bi sigurno i odlučno koračali stepenicama koje pružaju mnoge izazove, uspone i padove, ali ih mi, ipak, svojim uložnim trudom, radom, voljom, i željom, odlučno i ustrajno prelazimo da bi konačno došli do cilja. Ali ni svi naši pokušaji nisu uvijek uspješni. Često nam se dogode i neočekivani padovi, koji nas pokolebaju u namjerama, ali ono što je oduvijek najvažnije je da ne posustajemo, ma koliko naša budućnost bila nepredvidiva i burna. Svi očekujemo da nam se jednog dana sudbina osmijehne, da "sagradi" što ljepšu budućnost, nadajući se da ćemo pronaći svoje mjesto pod sretnom zvijezdom. Mi smo kao iskre; samo je pitanje trenutka i dana kada će baš ta iskra preletjeti svijetom.

Emina Kustura II 3



Snovi kao dio naše podsvijesti mogu biti lijepi i bajkoviti a ponekad jako čudni, pa i grozni. Svi mi rastemo uz snove od malih nogu pa do staračkih bolnih kostiju.

Kao mali sanjamo o tome da postanemo odrasli ili kao što bi dijete reklo "da budem veliki". Kada odrastemo sanjamo o nekom idealnom životu, a kada ostarimo opet sanjamo da budemo mlađi. Svi smo mi u jednu ruku neki sanjari i vidimo užarenu damu u toplim zimskim vatrama, a od mora pravimo velike plavetne štrudle. Snovi su plod naše mašte zato ih trebamo iskoristiti kao naša vrata za budućnost. I budućnost će pripasti onome ko sanja, ali za to mora imati ambiciju. Svakako da u tim snovima koji se tiču nas trebamo biti realni. Snovi postoje da budemo maštoviti zato ih možemo podijeliti na one stvarne, koje trebamo planirati za svoj život i porodicu, i na one koje ćemo ostaviti samo za sebe i svoj mali svijet. Snovi i java nisu isto zato sve sa svoje dvije ruke, trebamo da se potrudimo da bude kao taj san. Naravno, da ćemo doći u mnoga iskušenja i prepreke na tom putu, ali ništa nas neće spriječiti ako u tome istrajemo.

Kao i svaki veliki pjesnik, pisac ili naučnik, moraš imati snove toliko jake i velike da su drugima nedokučivi. Zato sanjaj o onom što želiš, a onda istim tim mozgom kojim sanjaš potrudi se i istraj da ostvariš svoj san, teško je, ali što bi bilo jednostavno kada može komplikovano. Stvori svoju budućnost u glavi, a onda je prenesi u javu.

Benjamin Karić , IV-2



Šaljiva stranica

Učitelj pita učenika: "Objasni rad motora!"

Učenik: "Mogu li svojim riječima?"

Učitelj: "Naravno."

Učenik: "Bruuuuuuum, bruuuummmm..."

Profesorica matematike pita učenika:

- Zašto si u svesci ostavio ovu stranicu potpuno praznu?

- E, tu sam računao napamet!

Na času isptuje profesorica gramatiku.

Pita profesorica: "Može li mi netko reći primjer istog glagola u prezentu i futuru prvom?"

Javi se učenica iz prve klupe i kaže: "Trčim i trčat ću."

Profesorica je pohvali i pita za drugi primjer. Javi se učenik iz druge klupe i kaže: "Spavam i spavat ću." Učiteljica pohvali i pita ima li još neki primjer.

Javi se učenik iz zadnje klupe i kaže: "Jedem supu i pile ću."

Pita mama sina:

- Kako je bilo na testu?

- Dobro.

- Što ćeš dobiti?

- Neopravdani.

Zanimljivosti

- 8 miliona krvnih ćelija umre u ljudskom organizmu svake sekunde, a isti toliki broj se novih rađa te iste sekunde.

- Svake godine, Mjesec se udaljava za 3,8 cm od Zemlje.

- Normalni papir koji koristimo ne može se saviti više od 7 puta.

- Kolibri ptice imaju nevjerovatno brz metabolizam, što znači da su uvijek samo nekoliko sati udaljeni od umiranja od gladi.

- Pluća sadrže više od 300.000 miliona kapilara (krvne žile). Ako bi ih raširili od kraja do kraja, ukupna širina bi iznosila 2.400 km.

- Broj auta na planeti se povećava trostruko brže nego populacija.

- Pčela zamahne oko 11.400 puta u minuti, zbog čega i čujemo zvuk 'zujanja'

- Mozak proizvodi struju dovoljno jaku da napaja sijalicu od 10 do 23 W.

- Bikovi su daltonisti.

- Polarni medvjedi su ljevac.

- Upaljač je izumljen prije šibica.



Google Forms

<https://forms.gle/dMwYjYujIMEfTLnF6>

Nove Iskre 2021
Elektrotehnička škola za energetiku
www.etssa.edu.ba
noveiskre@gmail.com

